



5. Novemberi 2025

UKA2025/170

Inuussutissarsiutigalugu aalisartunut piniartunullu inuussutissarsiutigalugu umiatsiaararsinissamut inuussutissarsiornissamut tapiiffigitittalernissaat siunertaralugu, Aalisarnermik piniarnermillu inuussutissarsiutillit inuussutissarsiornernannik siuarsaaneq pillugu Inatsisartut inatsisaata allannguutissaanik Naalakkersuisut siunnersuuteqarnissaannut peqquneqarnissaat Inatsisartut aalajangiiffigisassaattut siunnersuut.

(Inatsisartunut ilaasortaq Jens NapätôK', Naleraq)

Siunnersuuteqartoq Naleqqameersoq Jens Napaattoq imaattumik qaqitsinissinnut qujanaq. Siumumiillu imaattumik oqaaseqarfigissavarput.

Siumumiit siunnersuuteqartoq tunngaviatigut paasilluarpaa, uggoraarpullu taasissutissartaa inatsit pioreersoq tunngavigalugu isummerfigisussanngoratsigu. Inuussutissarsiutinik siuarsaaneq pillugu inatsisartut inatsisaat sulii atuuttoq Siumumiit naqissuserusupparput. Taamatuttaaq aamma tapiisarnermut periarfissaqarpoq, inuussutissarsiummik umiatsiaarartaarnissamut tapiiffigineqarsinnaaneq. Tamanna nunatta kangiani avanersuarmi nunattalu kujaterpiaani atorluarneqartaqaaq 84% angullugu tapiisinnaallutik, taamatuttaaq nunattalu ilaani 75% angullugu tapiisinnaaneq periarfissaalluni. Tamanna naalakkersuisut akissuteqarnerminni aamma oqaatigaat.

Aningaasat sinaakkutaasut amerlineqassappata Siumup tapersingaassavaa. Taamaalilluta umiatsiaarartaarnissamik imaluunniit 6 mtr qulaallugu taarsigassarsisinnanermut aningaasat sinaakkutit qaffanneqassappata iluarisimaassaqaagut. Aningaasat sinaakkutaasut sinaakkutaasut annikippallaarneratigut ukioq aallartilaaginnartoq nungunneqareertarmata.

Taamatuttaaq aamma aalisartut qularnaveeqqutaatillit kiisalu sinerissap qanittuani aqutsiveqarfinni 47-mi pigisanik niuffatigineqarsinnaasunik peqalernerimikkut aningaaserivinnut attartorsinnaanerit inatsisitaap qulakkeermagu ajornaannerulersillugu, ilaatigut aamma ingerlatseqatigiiffinnuunniit attartortarnerit pioreerluni.

Siumumiit iluarisimaarparput Aalisarnermut Siunnersuisoqatigiit sinerissap qanittuani aalisariutinut 6 meterinit takinerusunut tunngatillugu unammilligassanik taakkuninngalu aningaasalersueriaatsinik misissuisussamik suleqatigiissitamik suligasuartussamik pilersitsisimammata. Aningaasalersueriaatsit pillugit unammilligassat aningaaseriviit suleqatigalugit suliarineqartut naalakkersuisut oqaatigaat. Suleqatigiissitap



Aalisarnermut Siunnersuisoqatigiinnut inassuteqaatissani 16. december saqqummiutissagaat oqaatigineqarluni. Aalisartut qanoq siunnerfeqarniarnerat tusassallugu soqutiginarpoq, suleqatigeqqissaassallugit malitseqartitsinissaq Siumumiit peqataaffigissavarput.

Aningaasaateqarfiup pioreernera tunngavigalugu, kiisalu aalisarnermut siunnersuisooqatigiit suliamik aallartitsereernerat tunngavigalugit Siumumiit siunnersuut una itigartipparput. Isumaqaratta siunnersuutip taasissutissartaa pioreersoq, suliallu aallartereersut aallaqqaataaniit qalleraqqikkumanagit. Aningaasat sinaakkutissatut taggiunneqarumaartussat pissanngatigalugit oqaloqataajumaarpugut qilanaaraarpullu.

Naalakkersuisut sulilluaqqinnissaannik kissaallugit, taamatut naatsumik oqaaseqarluta siumumiit siunnersuuteqartoq qutsavigiumavarput.

Lars Poulsen
Siumut